



Broj: 01/22-02-261/25-2
Sarajevo, 27. 1. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-01-2025			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Odbor za rad i socijalnu zaštitu Predstavničkog doma Parlamenta Federacije Bosne i Hercegovine 27. 1. 2025. godine održao je 11. sjednicu Odbora. Sjednici Odbora prisustvovalo je osam članica i članova Odbora, tako da su ispunjeni uslovi u pogledu kvoruma i odlučivanja.

Na 11 sjednici Odbora za rad i socijalnu zaštitu Predstavničkog doma Parlamenta Federacije BiH predložen je i jednoglasno usvojen sljedeći:

DNEVNI RED

1. Usvajanje zapisnika sa 9. sjednice Odbora za rad i socijalnu zaštitu,
2. Prijedlog Zakona o izmjenama Zakona o penzijskom i invalidskom osiguranju- hitni postupak,
3. Prijedlog Zakona o zaštiti od nasilja u porodici i nasilja prema ženama u Federaciji BiH,
4. Inicijativa za izmjene Zakona o radu Federacije BiH, koju je pokrenula Amra Junuzović-Kaljić, zastupnica u Predstavničkom domu PFBiH,
5. Tekuća pitanja:
 - a) Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju finansijskog plana Federalnog zavoda za zapošljavanje za 2025. godinu – hitni postupak.

Na osnovu člana 44. stav 2. a u vezi s članom 77. Poslovnika Predstavničkoga doma Parlamenta Federacije BiH, Odbor podnosi sljedeći:

IZVJEŠTAJ

Ad-1

Usvajanje zapisnika sa 9. sjednice Odbora za rad i socijalnu zaštitu

Zapisnik sa 9. sjednice Odbora jednoglasno je usvojen.



Ad-2

Prijedlog Zakona o izmjenama Zakona o penzijskom i invalidskom osiguranju- hitni postupak

Odbor nije razmatrao Prijedlog Zakona o izmjenama Zakona o penzijskom i invalidskom osiguranju- hitni postupak, jer na sjednici nije bio prisutan predlagač Prijedloga Zakona.

Ad-3

Prijedlog Zakona o zaštiti od nasilja u porodici i nasilja prema ženama u Federaciji BiH

Predstavnica Federalnog ministarstva pravde gđa Tijana Babić detaljno je izvijestila Odbor o Prijedlog Zakona o zaštiti od nasilja u porodici i nasilja prema ženama u Federaciji BiH. Nakon rasprave o navedenoj tački dnevnog reda, Odbor je jednoglasno usvojio sljedeći:

ZAKLJUČAK

Odbor je podržao Prijedlog Zakona o zaštiti od nasilja u porodici i nasilja prema ženama u Federaciji BiH.

Ad-4

Inicijativa za izmjene Zakona o radu Federacije BiH, koju je pokrenula Amra Junuzović-Kaljić, zastupnica u Predstavničkom domu PFBiH

Uvodno izlaganje o Inicijativi za izmjene Zakona o radu Federacije BiH, broj: 01-02-621/24 od 20.11.2024. godine iznijela je gđa Amra Junuzović-Kaljić, zastupnica u Predstavničkom domu PFBiH. Odbor je upoznat sa Izjašnjenjem Vlade FBiH o nevedenoj Inicijativi, broj: 05/1-02-621/24 od 31.12. 2024. godine u kojem je navedeno da Vlada Federacije Bosne i Hercegovine u okviru svoje nadležnosti, smatra djelomično prihvatljivom Inicijativu za izmjene Zakona o radu, koju je podnijela Amra Junuzović- Kaljić, zastupnica u Predstavničkom domu PFBiH.

Odbor je detaljno razmotrio navedenu tačku dnevnog reda i jednoglasno usvojio sljedeći:

ZAKLJUČAK

Odbor je prihvatio Izjašnjenje Vlade Federacije Bosne i Hercegovine na Inicijativu za izmjene Zakona o radu Federacije BiH, broj 05/1-02-621/24 od 31.12.2024. godine, koju je pokrenula Amra Junuzović-Kaljić, zastupnica u Predstavničkom domu PFBiH.



Ad-5

Tekuća pitanja:

a) Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju finansijskog plana Federalnog zavoda za zapošljavanje za 2025. godinu – hitni postupak

Odbor je zajedno sa gđom Helenom Lončar, direktoricom Federalnog zavoda za zapošljavanje, kao i gđom Senadom Bibić, predstavnicom Federalnog zavoda za zapošljavanje detaljno razmotrio Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju finansijskog plana Federalnog zavoda za zapošljavanje za 2025. godinu – hitni postupak, te većinom glasova (sedam glasova *za* i jedan glas *protiv*) usvojio sljedeći:

ZAKLJUČAK

Odbor je prihvatio Prijedlog Odluke o davanju saglasnosti na Finansijski plan Federalnog zavoda za zapošljavanje za 2025. godinu i procjenu plana za 2026. i 2027. godinu i Odluku o izvršavanju finansijskog plana Federalnog zavoda za zapošljavanje za 2025. godinu – hitni postupak.

Za izvjestioca u Predstavničkom domu Parlamenta FBiH određen je gosp. Fuad Abaspahić, predsjednik Odbora.

PREDSJEDNIK ODBORA

Fuad Abaspahić

